

Kæru forráðamenn nemenda á yngsta stigi.

Nú stýttist í skólabyrjun og undirbúningur skólstarfsins er í fullum gangi. Hér koma nokkrar gagnlegar upplýsingar sem eflaust brenna á mörgum í upphafi skólaársins.

## Skóladagurinn

Skóladagur nemenda á yngsta- og miðstigi hefst alla daga kl. 8:15 á morgnana. Skóladegi nemenda lýkur á eftirfarandi tímum:

Nemendur á yngsta stigi (1.-4. bekkur) ljúka skóladeginum kl. 13:30

Nemendur á miðstigi (5.-7. bekkur) ljúka skóladegi kl. 13:50

## Innkaup

Skólinn skaffar nemendum námsgögn til að nota í skólanum. Með námsgögnum er m.a. átt við stílabækur, blýanta, liti, gráðuboga o.fl. til notkunar í skólanum.

### Nemendur Sjálandsskóla þurfa að eiga:

- Skólatösku
- Lítinn hitabrusa (notaður í útikennslu)
- Heyrnartól
- Íþróttaföt og íþróttaskó
- Sundfatnað
- Nemendur þurfa að eiga ritföng heima til að geta sinnt heimanámi

## Skólaboðunarfundir

Allir **nýir nemendur** Sjálandsskóla og forráðamenn þeirra eru boðaðir á fund með viðkomandi umsjónarkennara. Kennarar munu hafa samband símleiðis eða með tölvupósti á tímabilinu 17.-20. ágúst og boða viðtölin. Allir nemendur í 2.-10.bekk og forráðamenn þeirra verða boðaðir á sameiginlega fund með umsjónarkennara föstudaginn 23. ágúst á eftirfarandi tímum:

09:00-10:00	Skólaboðunarfundur fyrir alla nemendur í 2.-3.bekk
10:00-11:00	Skólaboðunarfundur fyrir alla nemendur í 4.-7.bekk
13:00-14:00	Skólaboðunarfundur fyrir alla nemendur í 8.-10.bekk

Fundirnir eru haldnir á heimasvæðum árganga.

Kennsla hefst samkvæmt stundaskrá mánudaginn 26. ágúst. Skóladagatal fyrir skólaárið má finna á [heimasíðu skólans](#).

### **Námskeið í heimalestri fyrir foreldra nemenda í 1.bekk**

Þann 3. september verður haldið námskeið í heimalestri fyrir foreldra nemenda í 1.bekk. Boðið verður upp á tvær tímasetningar þ.e. kl. 8:15-10:15 eða 20:00 -22:00. Sérkennari og umsjónarkennarar á yngsta stigi halda námskeiðið en það fjallar um heimalestur og hvernig foreldrar geta sem best stutt við heimalestur barna sinna. Ætlast er til þess að forráðamenn nemenda í 1. bekk mæti á námskeiðið en foreldrar nemenda í 2.- 4. bekk er velkomið að sækja það, óski þeir eftir því. Námskeiðið ber yfirskriftina „Við kennum þið þjálfíð.“ Skráning forráðamanna fer fram í skólaboðunarviðtali nýnema.

Námskynningar verða haldnar á öllum skólastigum vikuna 9.-13. september en umsjónarkennarar munu senda nánari upplýsingar um námskynningu sem snýr að ykkar barni/börnum.

### **Skólamat**

Hægt er að kaupa mat fyrir nemendur hjá [skolamat.is](#). Forráðamenn velja hvort þeir kaupa einn eða fleiri daga. Síðdegishressing er í boði fyrir nemendur sem eru í tómstundaheimilinu Sælukoti en hún er innifalin í gjaldi fyrir vistun barnsins og útbúin af starfsfólki Sælukots. Hægt er að finna upplýsingar um verð á hádegismat á heimasíðu skólamatar <http://www.skolamat.is/verdskra/verdskra-gardabaer>. Skráning fer fram eins og áður segir hjá Skólamat en þeir munu senda upplýsingar til foreldra. Skólamat verður í boði frá og með fyrsta skóladegi ársins þ.e. 26.ágúst.

### **Tómstundaheimilið Sælukot**

Skráning fyrir nemendur í 1.-4.bekk í tómstundaheimilið Sælukot fer í fram á íbúavefnum Minn Garðabær <https://minn.gardabaer.is/login.aspx?ReturnUrl=%2fdefault.aspx>. Skóladegi hjá þessum árgöngum lýkur klukkan 13:30 á daginn, eftir það opnar tómstundaheimilið og er opið til klukkan 17:00. Formlegri innritun lauk 15. júní, allir þeir sem voru innritaðir fyrir þann tíma geta hafið dvöl á tómstundaheimili við upphaf skólastarfsins þann 26. ágúst. Staðfesting á nýjum skráningum miðast við starfsmannahald í tómstundaheimilinu. Vegna skipulagningar á starfsmannahaldi biðjum við ykkur að skrá börnin sem fyrst. Verðskrá má finna á [vefsíðu Garðabæjar](#) og á heimasíðu Sjálandsskóla

### Frístundabíll

Frístundabíllinn hefur það hlutverk að keyra börn frá tómstundaheimilum grunnskóla í íþrótt- og tómstundastarf. Til að börn geti nýtt sér frístundabíllinn þarf að kaupa ferðir í bílinn, annað hvort eina önn í einu eða allt skólaárið. Hægt er að kaupa ferðirnar á [fristundabill.gardabaer.is](http://fristundabill.gardabaer.is) og ganga frá greiðslu þar. Skráning í frístundabíllinn er á íbúavefnum Mínum Garðabæ þar er hægt að kaupa kort, fylla á eldri kort og fá nánari upplýsingar um verð.

### Samræmd próf

Nemendur í 4. bekk munu þreyta samræmd próf í íslensku fimmtudaginn 26. september og í stærðfræði föstudaginn 27. september. Nánari upplýsingar munu koma frá umsjónarkennurum þegar nær dregur.

Hlökkum til samstarfsins í vetur.

Með kærri kveðju,

Edda Björg Sigurðardóttir skólastjóri og Sesselja Þóra Gunnarsdóttir aðstoðarskólastjóri